

大清詔令

大清詔令卷之六目錄

謁陵詔

冊立皇太子詔

冊立皇太子禮成加上太皇太后皇太后徽號  
詔

冊立皇后詔

冊諡孝昭皇后詔

太和殿災修省詔

剿滅吳逆詔

蕩平吳逆加上太皇太后皇太后徽號詔

省方思詔

詩

陵詔

奉

天承運

皇帝詔曰朕惟自古帝王誕膺

天命撫育萬方皆由

祖功

宗德締造維艱俾後人克享成業所以天下一統之

後必展告成之禮甚鉅典也我

太祖高皇帝創建鴻圖肇興景運

太宗文皇帝布昭功德，式廓丕基，至

世祖章皇帝，統一寰區，大勳既集，即欲躬詣

山陵，展祭告成，未遑修舉，朕續永隆緒，上繼

祖宗洪庥，天下底定，仰體

皇考未竟之志，躬詣

福陵

昭陵，虔修祀事，以告成功，禮竣旋京，湛宜沛，所有應

行事宜開列於後

一 隨從竭

陵兵丁，俱加恩賜

一通州以東至山海關經過地方俱著蠲免一  
年地丁銀糧

一康熙四五年直隸各省地丁錢糧定係拖  
欠在民不能完納者着該督撫察明奏請蠲  
免

一滿洲蒙古漢軍兵丁原係披甲勅力行間有  
帶傷殘廢閒住及疾病年老閒住者着察加  
恩賜

一凡試職官員俱准定授

一地方有才品優長山林隱之士該督撫核實

具奏酌與錄用。

一國子監監生免坐監一個月

一凡應追賂賍私察果家產盡絕力不能完者  
概與豁免毋得株連親族

於戲繼述無疆永著顯承之盛并平胥慶益彰  
樂利之休布告天下咸使聞知

康熙十年十一月

初四

日

冊立

皇太子詔

奉

天承運

皇帝詔曰、自古帝王繼天立極、撫御寰區、必建立  
元儲、懋隆國本、以綿宗社、無疆之休、朕膺膺鴻  
緒、夙夜兢兢、仰惟

祖宗謨烈、昭奎付託、至重、承祧行慶、端在元良、嫡子  
胤初、日表英奇、天資粹美、茲恪遵

太皇太后



皇太后慈命、載稽典禮、俯順輿情、謹告

天地

宗廟

社稷、康熙十四年十二月十三日、授胤初冊寶、立為  
皇太子、正位東宮、以重萬年之統、以綦四海之  
心、大典告成、洪恩宜沛、所有合行事宜、開列于

後、

一和碩親王以下、奉恩將軍以上、俱加恩賜

一內外公主以下、固山格格以上、俱加恩賜

一外藩諸王以下、公以上、各加恩賜

一在京文武官員俱加一級

一各省將軍副都統總督巡撫提督總兵官各加一級

一內外大小各官除各以現在品級已得封贈外凡陞級改任者着照新銜封贈

一凡官吏兵民人等有犯除謀反叛逆子孫謀殺祖父母父母內亂妻妾殺夫告夫奴婢殺家長殺一家非死罪三人採生折割人謀殺故殺盛毒殺人毒藥殺人強盜妖言十惡等真正死罪不赦外及修造宮殿陵寢冒破錢

糧、工程不固、製造戰船軍器等項、不堪用、糜  
費錢糧、失陷城池、軍機獲罪、貪官衙役犯贓、  
監守自盜、拖欠侵盜錢糧、騷擾驛逆、奸  
胥光棍、誣告叛逆、故大因姦殺死人命以上  
罪犯、亦在不赦、其餘自康熙十四年十二月  
十四日昧典以前、已發覺未發覺、已結正未  
結正、咸赦除之、有以赦前事告訐者、以其罪  
罪之、

內外文武官員、除大計處分軍政外、現在改革  
議降議罰、及帶罪任俸等項、各該衙門、悉與

奏明寬宥

一滿洲兵丁披甲隨征多年効力被傷不能披甲及年老有疾閒退者俱酌給賞賚

一滿洲蒙古漢軍步兵巡守城池街道勞苦通行賞賚

一滿洲蒙古漢軍兵丁處處征戰勞苦通行賞賚

一現在行間綠旗將領兵丁及調來外藩蒙古將領兵丁征剿効力勞苦通行賞賚

一地方有才品優長山林隱逸之士着該督撫

核定具奏酌與錄用

一五獄四清應遣官致祭者察舊例舉行

一歷代帝王陵寢先師孔子闕里應遣官致祭者察例舉行

一自用兵以來軍需浩繁直省地方百姓俱應  
煩苦深可憫惻各該督撫務須潔己率屬加  
意撫綏嚴禁有司勿得橫徵私派及借端供  
應兵馬需索科歛官吏分肥如有此等弊端  
該督撫即行據實指奏如或徇庇別經發覺  
者該督撫一經升廷重治罪

一兵馬錢糧出日民力。凡經管收放銷筭各官務仰體朝廷愛民之意。大破情面。據實清理。勿得扶同。朦混。浮冒。侵尅。糜費國帑。重困小民。

一用兵地方。民力重困。蕩平之後。各該督撫將應行蠲免賑卹事宜。即行奏請。

一國家用兵。原以靖寇安民。凡恢復地方。甫離寇亂。尤宜加意保全。安插得所。領兵將帥。着各處戡部伍。勿得借端擄掠。重擾良民。

一督撫係封疆大吏。地方利弊。聞見必真。凡閱

係籌餉節用、裨益兵民事宜如有確見者、着  
據定條奏、如果屬可行、著有成效、即送優擢  
用。

一督撫題補各官、原從原地方需才起見、或受任  
之後、有行事乖張、貪黷虐民者、該督撫不時  
訪察、據定恭奏、勿得以曾經保舉、瞻顧徇徇、  
如故為隱庇、別經發覺、將該督撫一并從重

治罪。

一河工連年修築、糜費不貲、茲當兵餉浩繁、着  
該管大小各官、潔已奉公、加意節省、以濟軍

需勿得因仍積弊浮冒開銷致滋民困如有發覺定從重治罪决不饒恕

一地方火場已經查勘蠲免賦役者有司不遵仍行濫派及但免有力之家致窮民不沾定惠者事發決不饒恕

一各地方有豪紳劣衿銜昏積蠹或免本身田地差徭或包攬他人田地徭丁為代規避偏累窮民莫此為甚該督撫行各地方官秉公嚴察如有此等情弊重加懲處

一康熙十五年文武會試各加五十名康熙十



七年文武鄉試大省各加十名中省加七名  
小省各加三名

一各省正貢作恩貢次貢作歲貢

一國子監監生免生監一個月

一天下解送苦累凡未傳員役離擾驛遞者該  
督撫立行恭奏如有容隱一并治罪

一各處叛逆為首者如能悔過投誠俱行免罪  
仍論功叙用

一臨賊從逆官員兵民人等有能棄邪歸正自  
拔投誠者即行免罪仍與叙錄其有能擒斬

梁魁及帶領兵馬獻城納款者仍論功優加  
爵賞

於戲主器得人益篤靈長之祐給音式教用昭  
浩蕩之仁布告天下咸使聞知

康熙十四年十二月 十四 日

冊立

皇太子禮成加上

太皇太后

皇太后徽號詔

奉

天承運

皇帝詔曰朕惟帝王綏理萬方首崇孝治尊親之  
典因事加隆至建立元儲懋敦國之本尤必推  
原懿德上晉徽稱此歷代不易之盛軌也欽惟  
我

聖祖母昭聖慈壽恭簡安懿章慶敦忠溫莊康和太  
皇太后佐

皇祖太宗文皇帝肇造玉基啟

皇考世祖章皇帝恢弘大業

聖母仁憲恪順誠惠皇太后儀母茂著克嗣徽音朕奉

享

慈闈並承

訓育紹基圖治宵旰靡寧茲者祇遵

懿命冊立皇太子禮成仰惟

垂裕之仁式舉顯揚之典謹告

天地

宗廟

社稷于康熙十五年正月十一日率諸王貝勒文武

羣臣恭奉

冊寶加上

聖祖母昭聖慈壽恭簡安懿章慶敦惠溫莊康和太

皇太后徽號曰

昭聖慈壽恭簡安懿章慶敦惠溫莊康和仁宣太皇

太后

聖母仁憲恪順誠惠皇太后徽號曰

仁憲恪順誠惠純淑皇太后慶禮既成恩給宜沛所  
有應行事宜開列于後

一和碩親王以下奉恩將軍以上俱加恩賜

一內外公主以下固山格格以上俱加恩賜

一外藩諸王以下公以上俱加恩賜

一各省將軍副都統總督巡撫提督總兵官各

加恩賜

一在京文武各官除康熙十四年十二月十四

日恩詔已得封贈外其未通前詔封贈者俱

照例封贈

一凡官吏兵丁人等有犯除謀反叛逆子孫殺  
祖父母父母內亂妻妾殺夫告夫奴婢殺家  
長殺一家非死罪三人採生折割人謀殺故  
盜毒魔魅毒藥殺人強盜妖言十惡等真正  
死罪不赦外及康熙十四年十二月十四日  
詔內所開不赦各款仍照前詔遵行外其餘  
自康熙十五年正月十二日昧爽以前已發  
覺未發覺已經正未結正成赦除之有以赦  
前事告訐者以其罪罪之

一内外文武官員除大計軍政處分外現在議

革議降議罰戴罪住俸等項各該衙門悉與  
奏明寬宥

一滿漢孝子順孫義夫節婦該管官細加訪確  
具事寔奏聞禮部核實奏祀旌表

一各處養濟院所有鰥寡孤獨及殘疾無告之  
人有司留心以時養贍勿致失所

於戲崇儀顯號昭

令範于千秋錫類推恩洽歡心萬國布告中外咸使  
聞知

康熙十五年正月

十二

日



冊立

皇后詔

奉

天承運

皇帝詔曰帝王仰膺

天眷撫育群生爰溯治禮之隆莫不肇自宮闈迨于  
海宇故必慎選賢淑用資內助永

宗廟之重敦風化之原甚鉅典也朕祇纘玉基篤念  
倫紀茲者

聖祖母昭聖慈壽恭簡安懿章慶敦惠溫莊康和仁

宣太皇太后深惟內治攸閑特遴淑德作配朕躬正位中宮母儀天下欽遵

慈命虔告

天地

宗廟于康熙十六年八月二十二日冊立公道必隆之女鈕佑盧氏為皇后惟朕躬暨后其勗敦勤克迪厥德庶幾上紹

徽音敷宣仁化以昭子孫臣民億萬年無疆之休布告中外咸使聞知

康熙十六年

冊諡孝昭皇后詔

奉

天承運

皇帝詔曰。初禮部自古帝王治。登上理化洽寰區。原其政教之隆。每資內助之德。故徽音克嗣。乃御家邦。令譽攸垂。爰輝史冊。洵歷代之鉅典也。皇后鈕佑盧氏。德柔懋嘉。性成淑惠。發祥世胄。作配朕躬。奉事

太皇太后

皇太后。孝誠玉著。敷宣內治。勤敬弘昭。節儉提躬。寬

仁逮下。芳型伊始。淑德允彰。於康熙十七年  
二月二十六日崩逝。溯平生之懿範。宜褒顯以  
鴻名。迺勅所司。詳稽典禮。祇告。

宗廟。于本年閏三月二十一日冊諡為孝昭皇后。禮  
成於戲。壺儀如在。長留令則。于椒塗。顯執進崇。  
永播馨香於彤管。頌示天下。咸使聞知。欽哉。故  
勅。

康熙十七年閏三月 二十一日

皇太子出痘痊愈詔

奉

天承運

皇帝詔曰自古帝王紹隆景祚首重國本既建元儲毓德於青宮尤喜冲齡茂膺大嘉祚推恩寰宇允洽輿情甚盛典也茲皇太子出痘仰荷

天地

祖宗眷佑已經痊愈朕心忻悅率土同歡遠斯統嘏之祥宜布鴻恩之需應行事宜開列于後

一凡官吏兵民人等有犯除謀反叛逆、子孫殺  
祖父、母、父母、內亂妻妾殺夫、告夫、奴婢殺家  
長、殺一家非死罪三人、採生折剖人謀殺、故  
殺、盛毒、魘魅、毒藥殺人、強盜妖言、十惡等真  
正死罪不赦外、及修造宮殿陵寢、冒破錢糧  
工程不固、修築河工不行、堅固製造戰船軍  
器等項、不堪應用、糜費錢糧、失陷城池、軍機  
獲罪、貪官衙吏犯贓、監守自盜、拖欠錢糧、漕  
糧、侵盜漕糧、騷擾驛遞、奸細光棍、誣告叛逆  
放火、因姦殺死人命、出征人妻犯姦、並姦夫

罪犯亦在不赦其餘自康熙十七年十二月十六日昧爽以前已發覺未發覺已結正未結正成赦除之有以赦前事相告訐者以其罪罪之

一滿洲兵丁披甲隨征多年効力被傷不能披甲及年老有疾退閒者俱酌給賞養

一地方有才品優長山林隱逸之士着該督撫核定具奏酌予錄用

一滿漢孝子順孫義夫節婦該管官細加訪確具事定奏開禮部核實以覓旌表

一 陷賊從逆各官員兵民人等，有能棄邪歸正，自拔投誠者，即行免罪，仍與敘錄。其有能擒斬渠魁，及帶領兵馬獻城納款者，仍論功優加爵賞。

一 各處養濟院，所有鰥寡孤獨及殘疾無告之人，有司留心以時養贍，勿致失所。

於戲元良為祐，衍萬年有道之長綸，特施仁錫四海無疆之福，布告中外，咸使聞知。

康熙十七年十二月

十六

日



太和殿災修省詔

奉

天承運

皇帝詔曰朕恭膺

天眷統御寰區夙夜祇承罔敢怠荒期于陰陽順序  
中外敎寧共樂昇平之化乃於康熙十八年十  
二月初三日太和殿災朕心惶懼莫究所由固  
朕不德之所致抑用人失當而然歟茲已力圖  
修省挽回

天意爰稽典制特布告條消咎徵於既往過福祉於

將來所有應行事宜開列於後

一官吏兵民人等有犯除謀反叛逆子孫殺祖  
父母父母內亂妻妾殺夫告夫叔婢殺家長  
殺一家非死罪三人採生折割人謀殺故殺  
盛毒殺人毒藥殺人強盜妖言十惡等真正  
死罪不赦外及修造宮殿陵寢工程不固修  
築河工不行堅固製造戰船軍器等項不堪  
應用糜費錢糧失陷城池軍機獲罪貪官衙  
役犯贓監守自盜錢糧侵盜漕糧騷擾驛遞  
姦細光棍誣告叛逆因姦殺人命出征人

妻犯姦、並姦夫罪犯、各項死罪、亦在不赦之例、其餘軍流以下、自康熙十八年十二月十八日昧典以前、已發覺、未發覺、已結正、未結正、咸赦除之、有以赦前事告訐者、以其罪罪之。

一地方火傷、已經查勘、蠲免賦役者、有司不遵、仍行濫派、及但免有力之家、窮民不沾寔惠者、事發決不饒恕。

一自用兵以來、軍需浩繁、直省地方百姓、供應繁苦、深可憫惻、各該督撫、務須潔已率屬、加

意撫綏嚴禁有司勿得橫加徵派及借端供  
應兵馬需索科歛官吏分肥如有此等弊端  
該督撫即行據寔指叅如或徇庇別經發覺  
該督撫一併治罪

一國家用兵原以靖寇安民凡恢復地方甫離  
寇亂尤宜加意保全安插得所領兵將歸者  
各嚴戢部位勿得借端擄掠重擾良民

一督撫題補各官原任地方需才起見或授職  
之後有行事乖張會縱虐民者該督撫不時  
體訪據寔叅奏勿得以曾行保舉臆顧偏拘

如故為隱庇別經發覺將督撫一併從重治罪

一河工連年修築糜費不貲茲當兵餉浩繁著該管大小各官深已奉公如意節省以濟軍需勿得因循積弊浮冒開銷以致民困如有發覺從重治罪決不饒恕

一地方有豪紳劣衿衙胥積弊或克本身田地差徭或包攬他人田地徭丁代為規避偏累窮民莫此為甚該督撫行各地方官秉公廉察如有此等情弊重加懲處

一各處閔差如有將不應納稅之物額外橫徵  
差役四出分踞津隘擾害商民者該部嚴行  
查察若經發覺從重治罪

一各處祀典神祇俱有額設錢糧查明仍復存  
留以供祭祀

一地方有才品優長山林隱逸之士該督撫核實  
具奏酌興錄用

一各處孤貧及獄囚口糧俱仍復存留以贍窮  
獨

一各處叛逆為首者如願悔罪投誠俱各免死

仍論功叙用

一臨賊從逆官員兵民人等有能棄邪歸正自  
首投誠者即行免罪仍與錄用其有能擒斬  
渠魁及帶領兵馬獻城納款者論功優加爵  
賞

於盛朝乾夕惕答

上天仁愛之心錫極綏猷憇下土瞻依之望布告天  
下咸使聞知

康熙十八年十二月十八日

剿滅吳逆詔

奉

天承運

皇帝詔曰朕繼承丕緒統御寰區仰惟

天地眷佑之休

祖宗付託之重

聖祖母太皇太后慈訓之嚴早夜孜孜勤求治理期  
于兵革寢息海宇大安不意逆賊吳三桂負國  
深恩倡為變亂陰結姦黨同惡相接抗違詔令  
竊據疆土溷點閩浙楚蜀閩隴兩粵豫章之間



所在騷擾肆逞痛毒三桂借稱偽號逆焰彌滋  
負罪尤甚朕躬行

天討分命六師剽撫並施德威互濟或繫頸于闕下  
或解戮于師中擒捕誅鋤以次收服乃三桂既  
膺神殛逆孫世璠尤後賜張蹈六詔之一隅延  
殘喘以拒命朕惟賊志一日不除則民生一日  
不靖策勵將士屢趣師期於是虎旅協心進逼  
城下賊眾計窮勢蹙通款軍門納土獻城渠亮  
投首師克之日市師不擾邊境晏如捷書既至  
上慰

郊廟

社稷之靈下行中外臣民之懷神人胥悅迺通勝歆  
念自變亂以來軍民荼苦如在水火披堅執銳  
卒歲康寧行膏居送千里相望敗兵之地既罹  
于鋒刃供億之衆復困于徵輸朕憫恤民艱不  
忍輒加額賦間使權宜之全用濟征結之需意  
在除殘事非獲已而深處宮寢之內屢懷閭閻  
之依中夜屢興肝食不暇怒焉國治八載於茲  
今群逆削平疆圉底定悉剪歷年之姦賊永消  
異日之隱憂用是剪滌煩苛維新庶政大沛寬

和之澤、莫臻熙皞之風、所有事宜開列於後  
一 所載王以下文武各官半俸、俱照舊支給  
一 在外文武官俸銀、着照舊支給、其銜役工食  
自康熙二十二年照舊支給

一 八旗効力行間年老辭職官員、已得半俸外  
勞績茂著、多有功牌未得半俸者、及年尚未  
老、傷廢辭職、官負內、勞績多著、應得半俸者  
該部統詳查保送、着該部題請

一年尚未老傷廢辭職官、及傷廢退甲兵丁、酌  
給錢糧米石

一外藩蒙古有効力行間傷廢退甲者者加恩  
賜

一滿洲蒙古漢軍兵丁處處征戰勞苦通行賞  
賚

一五穀四清等祀應遣官致祭者俱着察例舉  
行

一凡官吏兵民人等有犯除謀及叛逆子孫殺  
祖父母父母內亂妻妾殺夫告夫奴婢殺家  
長殺一家非死罪三人採生折割人謀殺故  
殺盜毒壓魁毒藥殺人強盜妖言十惡等真

正死罪不赦外其謀反叛逆犯人妻子女  
家產應入官及父母祖孫兄弟牽連人犯應  
流徙并修造宮殿陵寢工程不固失陷城池  
行間獲罪凡發掘墳塚者亦在不赦其餘自  
康熙二十年十二月二十日昧真以前死罪  
軍罪以下已發覺未發覺已結正未結正成  
赦除之有以赦前事告訐者乃即以其罪罪  
之

一内外文武官員除大計軍政處分外有因公  
註誤降級留任罰俸革職帶罪住俸等項并

見在議革議降議罰戮罪住俸等項俱着開  
復寬宥。

一凡貪官犯贓罪應至死與不應至死俱免罪  
仍革職追贖永不叙用。

一凡應追贖贓私察果家產盡絕力不能完者  
准與豁免其妻子亦免入官流徙。

一逃入事情概准赦免。

一凡強盜雖同夥殺人本身未經下手者若自  
首投首准與免罪。

一凡有叛逆殺死人強盜等罪帝運對質候審

監禁人犯在獄年久恐無辜致死該部院直  
省督撫確訊如無冤實對情可矜疑者即行  
奏請釋放

一流徙犯人在流徙處所身死其妻子願携骸  
骨回籍者該地方官報明該部准其各回原  
籍

一出首送本銀兩着永行禁止如有首告者將  
首告之人從重治罪

一凡失陷城池行間獲罪革職貪贓革職官員  
封贈仍行追奪外其因公註誤官員封贈應

停追奪

一凡在獄人犯若管獄官卒酷刑拷害索取財物及至身死者事情發覺決不饒恕其男婦監犯原係另監近多男婦雜處皆係該管官不行清理之故着通行嚴飭務令分別以維風化

一河道漕運關係重大所關河漕情罪俱不赦免

一凡監守自盜者不准赦免

一各處閔羨如有將不納應稅之物額外橫徵



差役四出分踞津隘擾害商民者該督撫題  
奏若不行題奏事情發覺一併從重治罪

一出征病故兵丁俱有恩卹及出征病故閑散  
三品以下官員亦准樂行恩卹

一滿洲蒙古漢軍人文武五品以下有頂帶以  
上若係陣亡殉難亦准賜卹致祭

一外藩蒙古出征病故閑散三品以下官員亦  
准概行恩卹

一外藩蒙古五品以下陣亡殉難官員亦准賜  
卹致祭

一地方變亂以來凡殉節盡難官員除已經恩卹外如有未經恩卹者詳查具題着俱加恩

卹

一軍興以來添設綠旗官兵應行裁汰者該督撫提鎮詳查題請裁汰

一凡逆賊盤踞地方橫加錢糧耗課該督撫查明悉行蠲免

一凡被賊蹂躪地方民生困苦若有應行應革關係利弊事宜各該督撫詳加察明具奏

一有潛據山海不服者如能率眾來歸悉赦已

徃仍量功議叙及受逆賊偽劄畏元逃避今未投首者亦着免罪

一直隸畿輔重地王化所始其田畝被圍地方着將康熙二十一年應徵地丁錢糧盡行蠲免至各省額賦亦行一體恩蠲但凱旋大兵未經全到軍需尚爾浩繁俟國用充足時次第酌量蠲免

一部院衙門公費着照舊支給

一護軍撥什庫兵丁所增一兩錢糧俟大兵撤回到齊之日照舊增給

一官戶加徵錢糧自康熙二十二年停止

一八旗官兵及綠旗官兵并投城官兵有因多給錢糧扣追者俱免扣追

一康熙十九年以前用兵各省採買供應大兵綠旗官兵糧草價值有經駁減者亦有尚未奏銷者該督撫確查保題到日准銷

一康熙十七年以前民欠錢糧稅銀及帶徵錢糧該督撫查明保題到日豁免其節年無憑查核官員亡故無着等銀該督撫查明報部之日完結

一因公挪移墊補追賠銀兩。如果家產盡絕不能完納者。該督撫詳查保題。到日豁免。

一改旂白糧。康熙二十三年起。仍徵本色。起運一江南浙江江西湖廣。董攬羨餘銀兩。及陸間挑運脚價。着照舊支給。

一康熙十七年。各處行鹽地方。起增閏月課銀。除已完外。如有拖欠者。該巡撫御史查明保題。到日豁免。此後閏月。停其增收。

一康熙十七年起。增寧國和含鹽課銀兩。除已完外。如有拖欠者。該御史查明保題。到日豁免。

此後停其增稅

一前錢糧匱乏驛站錢糧裁汰四分令着往後二分

一凡立石碑蓋造碑亭坎院衙門造奠銀兩其陣亡殉難者着自康熙二十一年給發病故者着自康熙二十二年給發

一自康熙十三年以後各省製造船隻盧甲器械藥彈等項於原核減價值多用並未題明報部竟自動用製造請銷款項錢糧至康熙二十年未完者該督撫等保題到日准其開

銷

於戲體履哉好生之德秋肅必繼以春溫法帝  
王更化之謨義正尤期于仁育誕告天下咸使  
聞知

康熙二十年十二月二十日

蕩平吳逆加上

太皇太后

皇太后徽號詔

本

天承運

皇帝詔曰朕惟帝王繼承鴻緒首重尊親顯號存  
嘉、彝章具在、矧式過、禩亂者定、厥功、資稟、誨育  
之恩、應極、追崇之典、比者、逆賊吳三桂、反叛、煽  
動多方、朕夙夜、靡寧、肆張天討、仰承

聖祖母昭聖慈壽恭簡安懿章慶敦惠溫莊康和仁



宣太皇太后

聖母仁憲恪順誠惠純淑皇太后慈訓次第剪滅克  
奏蕩平上慰

宗廟之靈下拯生民之厄非藉

慈庇曷克臻此用晉休稱載揚

盛德謹告

天地

宗廟

社稷於康熙二十年十二月二十四日率諸王貝勒

文武羣臣恭奉

冊寶加上

聖祖母昭聖慈壽恭簡安懿章慶敦憲溫莊康和仁  
宣太皇太后徽號曰

昭聖慈壽恭簡安懿章慶敦憲溫莊康和仁宣弘靖  
太皇太后

聖母仁憲恪順誠憲純淑皇太后徽號曰

仁憲恪順誠憲純淑端禧皇太后禮既備於

兩宮澤宜敷於四海所有應行事宜開列於後

一和碩親王以下奉恩將軍以上俱加恩賜  
一內外公主以下縣君以上俱加恩賜

一外藩諸王以下、公以上、俱加恩賜

一內外大小各官、除各以現在品級已得封贈外、凡授職陞級及改任者、俱着依照新銜封贈。

一康熙二十一年會試文進士加五十名、二十三年鄉試、大省加十名、中省加七名、小省加三名、

一凡官吏兵民人等有犯、除謀反叛逆、子孫殺祖父母、內亂、妻妾殺夫、告夫、奴婢殺家長、殺一家非死罪三人、採生、折割人、謀殺故

救盜毒覺魁毒藥殺人強盜妖言十惡等真  
正死罪不赦外其謀反叛逆犯人妻子女  
家產應入官及祖孫父母兄弟牽連犯人應  
流徙者亦在不赦並康熙二十年十二月二  
十日詔內所開不赦各款仍照前詔進行其  
餘自康熙二十年十二月二十四日昧與以  
前已發覺未發覺已結正未結正一應罪犯  
亦俱照前詔或赦除之有以赦前事告訐者  
即以其罪罪之

一歷代帝王陵寢先師孔子闕里應遣官致祭

着察例舉行

一地方有山林隱逸、懷才抱德之士、着該督撫核實具奏、酌予錄用

一曆日等項、着復舊例

一文武舉人、進士、牌坊、旗匾、舉貢、藍布、花紅錢糧、着照舊支給

一各處養濟院、所有鰥寡孤獨、及殘疾無告之人、有司留心、以時養贍、毋致失所

於戲、慶洽、宮闈、幸辰、因心之孝、恩覃中外、玉昭錫類之仁、布告天下、咸使聞知

康熙二十年十二月二十四日

省方恩詔

奉

天承運

皇帝詔曰帝王誕膺景命統御萬邦道重親民政  
先求瘼是以虞廷肆覲肇舉省方周室懷柔咸  
歌時邁詩書具在典制丕昭朕仰荷

天庥續承

祖烈撫茲兆庶期底時雍夙夜孜孜懇求治理以富  
以教靡敢怠逸猶恐節屆艱難周由上達故於  
直隸郡縣周覽巡行勤施補助更念山左等處

土宜俗尚不加巡省曷克真知矧曆逢甲子世際昇平幸國泰運之恒新在措芸生於豫大秉時命駕培彼民艱但樂利祇愆於一方德澤未施於九有朕心歎焉用是特昭功溥以弘仁度奏咸和之盛治所有事宜開列於後

一江南浙江江西湖廣省分自用兵以來供應煩苦宜加恩卹康熙二十四年所運漕糧着免三分之一

一自康熙十三年起至二十二年止拖欠漕項錢糧自康熙二十三年起每年帶徵一年以



免小民一時並做之苦

一東巡經過地方宜俱加恩卹將康熙二十四年應撤丁銀盡行蠲免

一泰山經過致祭其四嶽四清等祀應遣官致祭察例舉行

一凡官吏兵丁人等有犯除謀反叛逆子孫殺祖父母父母內亂妻妾殺夫告大奴婢殺家長殺一家非死罪三人採生折割人謀殺故殺盡毒魔魅毒藥殺人強盜妖言十惡等真正死罪不赦外其謀反叛逆犯人妻妾子女

家產應入官、及父母祖孫兄弟應流徙、及修  
造宮殿、陵寢、冒破錢糧、工程不固、修築河工、  
不行堅固、失陷城池、行間獲罪、官吏衙役、枉  
法受賍、監守自盜、叛逆財產人口、侵蝕入己、  
誣告謀叛、發掘墳塚、掠賣人口、及充棍、亦俱  
不赦、其餘自康熙二十三年九月二十四日  
昧典以前、死罪軍罪以下、已發覺未發覺、已  
結正未結正、咸赦除之、有以赦前事告訐者、  
以其罪罪之、

一、直隸各省修理文廟銀兩、照舊存留、以供整

等

一直隸各省解費脚價銀兩仍復存留照額支  
給

一祭祀行香習儀及祈晴禱雨鄉飲酒禮等銀  
兩仍復存留以供支用

一嶽瀆四鎮廟宇傾頽者該地方官設法修葺  
以昭誠敬

一內外文武官員現在議處者俱加寬宥

一內外大小文武官除現在品級已得封贈外  
凡授職陞級及改任者照新銜封贈

一各處孤貧口粮已復存存留經營地方官各  
須從資給散以贍窮獨

於戲時臻熙皞彌深寬卹之恩戶樂清寧玉篇  
綿長之慶布使天下咸使聞知

康熙二十三年九月

二十四

日

大清詔令卷之七目錄

修省詔

上孝莊文皇后尊謚詔

冊立皇后諭詔

畿輔災傷山西地震循省詔

平噶爾旦詔

五旬聖壽恩詔

修省詔

奉

天承運

皇帝詔曰朕統御天下念切民生夙夜圖治因  
少懈邇來歲每不登民食寡乏念茲仲夏久旱  
多風農事堪慮此由布政不均寬嚴固當本或土  
水工興或民瘼不達事幾之失上下

天和陰陽不調災孰大焉朕用是夙夜靡寧減膳徹樂清  
理刑獄求言省逆齋居默禱雖雨澤薄降尚未  
霑足皆罔朕之涼德不能上感

天心之仁愛茲當布德行仁赦道宥罪特崇寬大用  
廣好生應行事宜開列于後

一在內官員已經革職降級調用罰俸完結外  
其有因公註誤現在降級留任者俱着復其

原級

一在內督撫司道有司各官俸祿原以養廉今  
有公事屢經罰俸者甚多俱着與開後

一八旗滿洲蒙古漢軍原有定額與漢人一體  
開科取士前因用兵之際暫行停止今仍照

舊舉行

一各處土木工程內除造未完必不可停者仍  
行修造外其有創建及無用可以停止者工  
部察明具題停止

一八旗兵丁為國効力勤勞有年雖支給銀米  
養贍家口恐尚有貧乏不足者亦可未定俱  
應概加恩卹作何賞賚該部確議具奏

一凡官吏兵民人等有犯除謀反叛逆子孫殺  
祖父母父母內亂妻妾殺夫告夫奴婢殺家  
長殺一家非死罪三人採生折割人謀殺故  
殺、蠱毒魔魅毒藥殺人強盜妖言十惡等真



正死罪不赦外其謀反叛逆妻子犯人子女  
家產應入官及父母祖孫兄弟應流徙及修  
造宮殿陵寢冒破錢糧工程不固築修河工  
不行堅固侵冒錢糧失陷城池行間獲罪官  
吏衙從枉法受賍監守自盜叛逆財產人口  
侵蝕入已發掘墳塚略賣人口光棍及一應  
議處各官亦俱不赦又內外各衙門刑名案  
件中有犯罪雖小情事殊為可惡者著該部  
及各督撫察明情由具題照例處分外其餘  
自康熙二十六年五月初三日昧典以前死

罪軍罪以下已發覺未發覺已結正未結正  
成赦除之有以赦前事告許者即以其罪罪  
之

一內外各直省案候緝拏罪犯俱着註銷免其  
案緝

一凡叛犯強盜竊盜逃人等項罪人有畏罪在  
逃潛匿山僻果能自己投首者不必照例處  
分俱應釋放務須痛改前非各安生理以副  
矜全至意

一凡強盜事情法在不宥向因人命關係甚大

小民或為飢寒所迫情急罹法每酌情罪改為監候者甚多今從寬免罪釋放向後務須革心向善改行安生以副朕法外寬宥之至意

一現在內外監候質審及干連人素久禁圍恐致無辜瘦斃概與釋放

一自用兵以來一應動用錢糧有因原未題明不准開銷屢經核減現在追取名貴價值拖欠在民變價糧草多給兵餉各項及蓋造營房修理軍器催募船隻俱令賠補歷年未清

者概准開銷豁免

一現在追征逆本歷年未完者照行豁免

一因侵欺錢糧有家產盡絕妻子入官者概與

寬免

一自康熙十三年以後加增各項雜稅銀兩該

部查明概與豁免

一自康熙十八年更定處分條例不便于民者

各該督撫詳察開列具題該部確議酌量改

正

一凡解部及逆解外省各項犯人沿途口食不

數困于飢餓者可憫。按程給與口糧，勿致飢  
斃。其有解役將犯人恣意凌虐，勒指拷打，教  
唆人犯沿途搶奪，擾害良民，本應者作何治罪。  
該部嚴察具奏。

於戲應天以寶誕施肯宓肆赦之恩，敷政在寬。  
幸昭嘉興維新之化，布告天下。咸使聞知。

康熙二十六年五月

初三

日

上

孝莊文皇后尊謚詔

奉

天承運

皇帝詔曰朕惟禮先報本推崇脩極夫鴻名孝重  
尊親追遠特隆于廟享載稽往牒鉅典維昭欽

惟

皇祖母太皇太后

至德弘宣

深仁溥被光替我

太宗文皇帝躬勤締造，改式廓之鴻圖，篤生我世祖章皇帝，統一寰區，懋永清之大烈，玉彰

聖善，撫育渺躬，彈三紀之恩，歆綿萬年之曆，祚而緬思。

因楸儼承

慈訓於梧棖，行度無疆，敬晉

歲稱於琬琰，特詢輿論，虔考隆儀，祇告

天地

宗廟

社稷，于康熙二十七年十月十六日，率諸王、日勒文

武群臣恭奉

冊寶上

尊謚曰

孝莊仁宣誠惠恭懿明天啟聖文皇后二十二日升

冊

太廟既盡追崇之報宜弘錫類之仁所有事宜開列

于後

一和碩親王以下奉恩將軍以上俱加恩賜

一內外公主以下固山格格以上俱加恩賜

一外藩王以下公以上俱加恩賜



一在京文武官員各省將軍副統都總督巡撫提督并總兵官俱加恩賜

一內外大小各官除各以現在品級已得封贈外其前詔後授職陞級改任者俱着照例封贈

一愛育民生莫惠於蠲除租稅山西浙江二省江南安徽所屬及湖廣武昌漢陽黃州德安四府屬所有應徵康熙二十八年地丁各項錢糧俱着蠲免該部速行該地方官通行曉諭務使小民均沾寔惠如有不肖有司官

吏借端朦混及私行重懲者該督撫指名題  
奏從重治罪如該督撫徇隱不行糾舉或經  
叅奏或被告發定行一併從重治罪

一雜派款項永行革禁以安民生向聞直省有  
司假借名色橫行濫派數倍正項以致小民苦  
累其不肖官員以額外私徵糾劾者甚少嗣  
後督撫嚴察禁革以紓民困如有仍前濫徵  
者或經叅奏者或經被發覺者定行從重治  
罪

一凡官吏兵民人等有犯除謀反叛逆子孫殺

祖父母父母內亂妻妾殺夫告夫奴婢殺家  
長殺一家非死罪三人採生折割人謀殺故  
故盛毒魔魁毒藥殺人強盜妖言十惡等真  
正死罪不赦外其謀反叛逆犯人妻妾子女  
家產應入官及父母祖孫兄弟應流徙及修  
造宮殿陵寢冒破錢糧工程不固修築河工  
不行堅固侵冒錢糧失陷城池行間獲罪官  
吏衙徒枉法受賄監守自盜叛逆財產人口  
侵蝕入已發掘墳塚畧賣人口光棍及一應  
議處各官亦俱不赦外其餘自康熙二十七

年十月二十三日林爽已前已發覺未發覺已結正未結正成赦除之有以赦前事告訐者以其罪罪之

一滿洲兵丁各處効力殊堪軫念應察加恩卹作何賞賚該部確議具奏

一滿洲兵丁披甲隨征多年効力被傷不能披甲及年老有疾退閑者俱着給賞

一八旗貧苦孤獨無有生業者應察明恩養着該部議奏

一江寧京口杭州荆州福建廣東滿洲漢軍官

兵駐鎮地方水土濕熱所有馬匹畜養為艱  
易於倒斃以致兵丁苦累作何恩卹該部議  
奏

一恤兵原以為民兵丁粵類糧餉養生天下兵  
餉皆不嘗給以致兵不精銳且致失所應嚴  
行申飭著各督撫提鎮不時稽察禁革如有  
仍前虛冒扣剋不嘗行支給者定行重處不  
恕

一凡試職各官俱准定授

一五嶽四瀆等祀應遣官致祭者俱著察例舉

行

一歷代帝王陵寢先師孔子闕里應遣官致祭者着察例舉行

一國子監監生及教習俱免監期一個月

一軍民七十以上者許一子侍養免其雜派差徭八十以上者給與絹一疋綿一觔米一石肉十觔九十以上者倍之

一各處養濟院所存寡孤獨及殘疾無告之人有司留心以時瞻養毋致失所

於戲存

九廟之馨香，孝思不匱，萃萬方之愛戴，純淑彌昌，率  
土揚休，普天被澤，布告天下，咸使聞知。

康熙二十七年十月

二十三

日

冊立

皇后諭

諭禮部欽奉

皇太后諭旨皇貴妃孝敬性成淑儀素著鞠養衆子  
恪柱恩勤今忽通病遘疾勢在瀕危予心實為軫  
念應卽立為皇后以示寵褒欽此前者九卿諸  
臣屬屬以冊立中宮為請朕心稍有思惟遷延未  
許今祇遵

慈諭立皇貴妃佟氏為皇后應行禮典爾部卽議具  
奏特諭



康熙

年

畿輔災傷山西地震循省詔

奉

天承運

皇帝詔曰朕君臨寰宇子育元元惟以薄海昇平  
人安物阜為念或身處宮禁之中或巡歷郊圻  
之外勤求民隱宵旰弗遑故歷歲以來裁賦蠲  
租省刑宥過凡有關於治理務寄見于敷施顧  
邇者畿輔郡縣災傷叠告而山西平陽府屬後  
有地震之異雖賴所在倉廩素有積貯及時調  
賑幸免化離而朕心祇惕不敢以水旱災沴視

為氣數遠然謂必政事之失宜方致陰陽之有  
忒及躬循省深微予辜夫圖治之道莫先于養  
民逮下之仁莫重于寬恤茲特誕沛恩膏肆弘  
教宥茂迎休祉玉恆興情所有事宜今開列于  
後

一嶽鎮海濟長白山崇祀應遣官致祭着祭例  
舉行

一歷代帝王陵寢先師孔子闕里應遣官致祭  
着祭例舉行

一國家設官置吏原欲令其助流德化愛養小

民直省督撫以下大小各官務期潔已奉公  
革除陋弊加意撫綏以副朕子惠黎元至意  
倘有貪殘不法擾累地方事發定行重治

一直隸各省兵丁巡防汛地供應差違終歲勞  
苦深苦憫惻該管將弁宜加意撫卹勿致失  
所應得餉銀照數給發如有虛冒扣剋等弊  
令各該督撫提鎮不時糾察分別治罪

一山西陝西江南浙江江西湖廣廣東福建等  
省康熙三十三年以前歷年積欠及帶徵未  
完銀兩俱着豁免

一山西平陽府屬臨汾襄陽洪銅浮山等縣並  
平陽街康熙三十四年奉旨停徵錢糧俱着  
豁免

一各省節年未清錢糧無憑察核及官役亡故  
無着銀兩着該督撫察明保題豁免

一嶽鎮海宇清廟宇有傾頽者該地方官修設法  
修葺以昭誠敬

一孝子順孫義夫節婦該地方官核實題請旌  
表

一凡官吏兵民人等有犯除謀反叛逆子孫殺

祖父母內亂妻妾殺夫告夫奴婢殺家  
長殺一家非死罪三人採生折割人謀殺故  
殺蠱毒覺魁毒藥殺人強盜妖言十惡等具  
正死罪不赦外其謀叛犯人妻妾子女家產  
應入官及父母祖孫兄弟牽連人犯應流徙  
及修造宮殿陵寢工程不固失陷城池行間  
獲罪受枉法贖監守自盜叛逆財產人口侵  
蝕入已發掘墳塚光棍亦俱不赦其餘自康  
熙三十四年十二月十七日昧真已前死罪  
軍罪以下已發覺未發覺已結正未結正咸

赦除之有以赦前事相告訐者即以其罪罪之

一凡應追賄賂私察果家產盡絕力不能完者准與豁免其妻子亦免入官流徙

一凡強盜雖同夥殺人本人未經下手者若自行投首准與免罪

一凡有叛逆殺人強盜等罪牽連對質候審監禁人犯在獄年久恐無辜致死該部院及直隸督撫確審如無兇質對情可矜疑者即行奏請釋放

一內外各直省案候緝拏各項罪犯俱着註銷免其案緝

一凡叛犯竊盜逃人等項罪人有畏罪在逃潛匿山僻果能自行投首者不必照例處斬俱行釋放

一現在內外監候暫審及干連人等久禁囹圄恐致無辜瘦斃着概予釋放

一侵欺錢糧家產盡絕妻子應入官者槩予寬免

一逃入事情槩准赦免



一、直省地方有現行事例不便于民者，各該督撫詳察開列具題，該部確議酌量更正。

一、康熙十六年，江南省製造解楚烏沙船隻三十四、五十六等年，江西省製造火藥，十六年湖廣製造綿簾束軸等業，核減銀兩，俱着豁免。

於戲安民則惠，覃敷益下之恩，御衆以寬，式廣好生之德，布告天下，咸使聞知。

康熙三十四年十二月

十七

日

平噶尔旦詔

奉

天承運

皇帝詔曰朕君臨天下早夜孜孜勤求治理惟恐一夫不獲其所初未嘗有岐駮中外輕視兵戎遠代異域之事厄魯特噶尔旦向與七旗喀尔喀同奉職貢嗣因兩國交鄰搆兵喀尔喀汗等為所敗屢叩閔內附噶尔旦乃借辭進擊闖入我邊境恣行狂逞朕屢頒勅諭令其悔罪自新而狡寇不知省悟益肆鴟張其逆謀叵測寔有

通處近塞。覩伺中原之漸。朕患此。寇包藏禍心。倘不即行撲滅。則異日必沿邊設防。重滋民困。何如及時設討。立靖根株。於是昭告

天地

宗社。躬統禁旅。不憚勤勞。三出塞外。去年夏。賊路克魯倫河。自度力不能抗。倉皇宵遁。朕親追至土倫河。適西路大兵遮截。其後擊敗之於昭木多。賊勢大挫。冬月復駐蹕鄂尔多斯。收撫其降衆。遏絕其外援。而賊益困蹙。機會所在。刻不可失。遂以今年春。西巡邊境。徑寧夏出塞。遣發大兵。

兩路進剿而西海烏思藏人等皆先後輸忱自  
效哈密國人又俘獻噶爾旦之子於行在噶爾  
旦窮迫已極一聞大軍壓境計無復之隨於阿  
察河穆塔台地方欲棄自盡按諸料敵成謀適  
相符合自此寇氛盡滌邊圉永安而朕為民除  
害不得已而用兵之意亦可曉然共俞於天下  
臣民矣武功告成之會正太和殿鼎建功竣觀  
煥方新臨御伊始揚氣集于九重觀瞻肅於萬  
國用事草敷慶澤以上答

郊廟

社稷之靈、下愜中外人心之望、所有事宜、應開列于

後、

一大將軍領侍內大臣伯費揚古、駐劄邊境、緝  
緝蒙古、固守地方、征剿噶爾旦時、所抒謀畧  
與朕意合、遂界以西路官兵、令其統領進剿、  
師行道路、遠遠兼乏水草、乃全無顧慮、直抵  
土喇昭木多、奮揚軍威、俾奸狡積寇、一鼓而  
大敗之、屢年以來、統兵諸將、未有能過之者、  
着從伯爵優陞為一等公、

一西路官兵、聞朕親至克魯倫河、雖徒步在道、

飢疲已極，仍謂世受養養之恩，今聖駕躬親臨敵，我等官兵若數應盡，則甘斃道路，倘命可少延，誓圖竭力自効。其奮勇若此，故大功復奏，理宜詔沛殊恩，自叅贊以下，實授章京以上，各給與一拖沙喇哈番，龍替一次。所有功牌着另行分別議敘，護軍校、驍騎校俱各加一級，即照加級食俸。其兵丁加恩之處，着議奏。

一西路進剿綠旗官兵，自將軍提督總兵以下兵丁以上，應何作加恩，着吏戶兵三部會同

議奏

一三次出征官員兵丁及西路進剿官員兵丁所借官庫銀兩未經償還者俱免追取其未出征兵丁有持本身所養馬匹送至軍前倒斃者各賞銀二十兩

一三次俱出征官員各加一級三次俱出征兵丁加恩之處着議奏

一滿洲蒙古漢軍出征額魯特於軍前陣亡者獲軍給與七品官馬兵給與八品官

一外官員缺近見漢軍選用者甚多正途出身

之進士舉人、不得選用、殊屬壅滯、嗣後應作何分缺銓授、該部定例具奏。

一外藩四十九旗兵丁、比年以來、出征巡汎、甚屬勞苦、其中西兩路隨征押運米車、牧馬安站、掘井修路、看守米糧、兵丁在軍前、未曾得賞者、每人每年各賞銀六兩、給與三年、已經得賞者、每人每年各賞銀六兩、給與二年、其未出征兵丁、除富戶外、不堪度日者、每人各賞銀六兩、給與一年。

一八旗効力行間、年老辭職官員、已得半俸外



勞績茂著、多有功牌、未得半俸者、及年尚未老、傷廢辭職官員、內績多者、應得半俸者、該都統詳查、着該部題請

一、滿洲兵丁、原係披甲効力行間、有傷帶殘廢閒住、及疾病年老閒住者、着察如恩賜

一、在京滿洲蒙古漢軍馬步兵丁、俱如恩賜

一、出征病故兵丁、俱有恩卹、其出征病故閒散

三品以下官員、亦准概行恩卹

一年尚未老、傷廢辭職官員、及傷廢退甲兵丁、酌給錢糧米石

一外藩蒙古出征病故閒散三品以下官員亦  
准概行恩卹。

一外藩蒙古有効力行間傷廢退甲者着加恩  
賜

一五嶽四瀆等祀應遣官致祭者查照舊例舉  
行。

一歷代帝王陵寢先師孔子闕里應遣官致祭  
着察例舉行

一內外大小各官除各以現在品級已得封贈  
外凡陞級及改任者着照新銜封贈

一康熙三十八年鄉試中式舉人大省加十名  
中省加七名、小省加三名、康熙三十九年會  
試中式進士三百名。

一各省正貢作恩貢、次貢作歲貢。

一國子監監生、免生監一個月。

一凡官吏兵民人等有犯除謀反叛逆、子孫殺  
祖父母、父、母、內亂妻妾殺夫、告夫、奴婢殺家  
長、殺一家非死罪三人、採生、折割人、謀殺故  
殺、蘆毒、魘魅、毒藥殺人、強盜妖言、十惡等真  
正死罪不赦外、及修造宮殿、陵寢工程不圓

冒破錢糧、製造戰船軍器等項、不堪用、糜費  
錢糧、軍機獲罪、貪官衙役犯贓、監守自盜、冒  
借官庫銀兩、拖欠錢糧漕糧、侵盜漕糧騷擾  
驛遞、奸細光棍、誣告叛逆、放火、因姦致死、人  
命罪犯、亦在不赦、別項死罪、俱減一等、此內  
有聞毆殺人者、仍照例追銀四十兩、給付死  
者之家、其餘自康熙三十六年七月十九日  
昧典以前、已發覺未發覺、已結正未結正、咸  
赦除之、有以赦前事相告、許者、即以其罪罪  
之、

一內外文武官員除大計軍政處分外現在議革改降議罰戴罪住俸等項各該衙門悉奏明寬宥。

一犯流徙人犯在流徙處所身死其妻子願攜骸骨回籍者該地方官報明該部准其各回原籍。

一各處盜賊或為飢寒所累或為貪官所迫實有可憐如有改過就撫者准赦其罪。

一天下驛遞苦累凡乘傳員役騷擾驛遞者該督撫立行叅奏如有容隱一并治罪。

一罰贖積穀原以脩賑。冬月嚴寒，恐鰥寡孤獨貧民無以為生，着直省各省督撫責令有司將積穀酌量賑濟，毋令奸民假冒支領。

一地方有才品優長、山林隱逸之士，着該督撫核實具奏，酌予錄用。

一除革職降級休致回籍外，地方人才果有才行者，聞學問優長者，着該督撫核實具奏。

一督撫題補各官，原任地方需才起見，或授任之後，有行事乖張，貪縱虐民者，該督撫不時體訪，據實奏，勿得以曾經保舉，瞻顧徇徇。

如故為隱庇別經發覺將該督撫一并從重治罪

一各處關差如有將不應納稅之物額外橫徵差役四出分踞津滬擾害商民者該督撫題參若不行題參事情發覺一併從重治罪

一督撫係封疆大吏地方利弊聞見必真凡關係籌餉節用裨益兵民事宜如有確見據實條奏果屬可行若有成效即從優擢用

一河道漕運關係重大所關河漕一應情罪俱不赦免

一地方災傷已經查勘豁免賦役者有司不遵仍行濫派及但免有力之家致窮民不沾實惠事發決不饒恕

一各地方有豪紳劣衿銜胥積蠹或免本身田地差徭或包攬他人田地徭丁代為規避偏累窮民莫此為甚該督撫行地方官秉公嚴察如有此等積弊重加懲處

一凡有叛逆殺人強盜等罪牽連對質候審監禁人犯在獄年久恐無辜致死該部院直省督撫確審如無凭質對情可矜疑者即行



釋放

於威懾武功而敷文德奉臻熙皞之風建宸極  
而鞏皇圖永慶咸平之治誕告中外咸使聞知

康熙三十七年七月

十九

日

五句

聖壽恩詔

奉

天承運

皇帝詔曰朕為天下生民宵旰勤勞勵精圖治凡  
國家之休戚閭閻之樂利晷刻之間無不注意  
於此天下之大兆民之眾朕雖欺欺天乎至今  
四十餘載親歷飢饉者不知其幾南北用兵者  
不知其幾天變地震者不知其幾自責涼德不  
能撫育履水臨淵兢業維守仰賴

上天眷佑

祖宗學德幸生創業未久之際方免墜失今海宇昇平年歲稍和生民俱已樂業邇來諸王大小臣工士庶因朕五旬輿情懇切屢請加上尊號朕堅意固辭不允所請蓋朕不以名譽稱揚為尚惟以海內富庶為心是以屢黜賦役頻省刑罰繼欲使老安少懷風俗淳厚漸幾於康乂隆平之治近因淮黃告成乃東南要務再投方畧望有善後不辭勞瘁親往閱視見畿輔山左江浙等省耆老人民俱中心愛戴雖童稚亦咸歡欣

仰瞻是知民心皆一、用是並軫深念、視切如傷、  
所以星夜回鑿、茲特大沛弘恩、普施遐邇、庶幾  
民生咸登壽域、和協偏滿、寰區、所以應行事例、  
開列于後、

一五嶽四瀆長白山等祀、應遣官致祭、著察例  
舉行、

一看守

陵寢官兵宜加恩賜、著議奏、

一歷代帝王陵寢、先師孔子闕里、應遣官致祭、  
著察例舉行、

一凡痲鎮海瀆廟宇有傾頽者該地方官估計價值具奏修葺以昭誠敬

一歷代帝王陵寢有毀壞者該督撫察明具奏修葺

一王以下文武有項帶官員以上俱加恩賜着議奏

一兵丁宜加恩賜着議奏

一內外大小各官除各以現在品級已得封贈外凡陞級及改任者着照新銜封贈

一內外文武官員除大計軍政處分外康熙四

十二年三月十八日以前有因公註誤降級  
留任罰俸革職戴罪住俸等項并見在議革  
議降級罰戴罪住俸等項俱着開復寬宥其  
加級紀錄不與開復

一軍民年七十以上者許一丁侍養免其雜  
差徭八十以上者給與絹一疋綿一觔米一  
石肉十觔九十以上者倍之至百歲者題明  
給與建坊銀兩

一滿洲兵丁原係披甲効力行間有帶傷殘廢  
閒住及疾病年老閒住者着察加恩賜

一年尚未老傷廢辭職官員及傷廢帶甲兵丁酌給錢糧米石

一這次南巡往返期迫修辦船隻繹夫官員甚屬勞苦有因公註誤罰俸住俸陞級降革職留任者該部將職銜察明具奏俱准開復仍各加一級

一恤民以免錢糧為要是以直隸各省錢糧屢經蠲免但雲南貴州四川廣西四省俱屬極邊之地朕未經巡視數年以來又未曾蠲免錢糧宜更施恩澤這四省康熙四十三年應

徵地丁各項錢糧通行蠲免該部作違行文  
地方官員徧行曉諭務使小民得沾定惠

一河工官員領正項錢糧修築堤岸被水衝決  
應賠還者照例追賠其自捐銀兩修堤完工  
之後被水衝決或因地勢難築竣工無期若  
仍責令賠修甚屬可憫着總河察明具題免  
其賠補

一天下讀書之人甚多且省廣額酌量廣額着  
議奏

一凡試職各官俱准實授



一孝子節婦順孫、義夫、該地方官覈實、題請旌表、

一各處養濟院、所有鰥寡孤獨、及殘疾無告之人、有司留心、以時養贍、毋致失所、

一地方有才優品長、山林隱逸之士、着各省督撫核寔具奏酌興錄用、

一凡官吏兵丁人等有犯除謀反叛逆、子孫殺祖父母、父母、內亂、子妻妾殺夫、告夫、奴婢殺家長、殺一家非死罪三人、採生折剖人謀殺、故殺、盛毒魔魅、毒藥殺人、強盜妖言、十惡等

真正死罪不赦外其修造宮殿陵寢工程不  
固冒破錢糧製造戰船軍器等項不堪用糜  
費錢糧軍機獲罪貪官衙役犯贓監守自盜  
冒借官庫銀兩拖欠錢糧漕糧侵盜漕糧騷  
擾驛遞奸細充棍誣告叛逆放火因姦致死  
命人罪犯亦在不赦別項死罪俱減一等此  
內有開毆殺人者仍照例追銀四十兩給付  
死者之家其餘自康熙四十二年三月十八  
日昧爽以前已發覺未發覺已結正未結正  
咸赦除之有以赦前事告訐者即以其罪罪

之

一凡失陷城池行間獲罪革職及貪贓革職官員封贈仍行追奪外其因公誣誤官員革職封贈永停追奪

一凡流徙人犯在流徙處所身死其妻子願携骸骨回籍者該地方官報明該部准其各回原籍

一各處盜賊或為飢寒所累或為貪官所迫寔有可憫如能改過就撫者准赦其罪

一凡有叛逆殺人強盜等情牽連對質候審監

禁人犯在獄年久、恐無辜致死、該部院及各  
省督撫確審、如無憑質對、情可矜疑者、即行  
奏請釋放。

一凡叛犯竊盜、進人等項罪人、有畏罪在逃、潛  
匿山僻、果能自行投首者、不必照例處分、照  
行釋放。

一逃入事情、概准赦免。

一凡強盜、雖同夥殺人、本人未經下手者、自行  
投首、准與免罪。

一地方有豪紳劣矜、銜胥積蠹、或免本身田地

差徭或包攬他人田地徭下代為規避偏累窮民莫此為甚該督撫行各地方官秉公嚴察如有此等情弊重加懲處

天下驛逆者累凡乘傳員徒騷擾驛逆者著該督撫立行叅處如有容隱一并治罪

一凡地方災傷已經察勘蠲免賦役者有司不遵仍行濫派及但免有力之家致窮民不沾寔惠者事發決不饒恕

一地方大小官員當以仁慈為本安聽奸民捏辭誣告以致陷害良民其害更甚于貪如各

省督撫以下及有司官員有濫受詞狀貽累  
善良者事發定從重泛罪

一濫動重刑舊有嚴禁有司官員有因小事輒  
行夾審並違例妄用非刑者該督撫即行察  
叅具奏從重治罪

一雜派行款應永行禁革以安民生該督撫嚴  
察禁革如有仍前濫徵者或經叅奏或被發  
覺定行從重治罪

一恤兵原以為民兵丁粵賴糧餉養生各省兵  
餉皆不實給以致兵不精銳且多失所應嚴

行申飭、着各督撫提鎮、不時稽察、禁革、如有仍前虛冒、扣剋、不行齎給者、着定行從重治罪、

一督撫題補各官、原從地方起見、或受任之後、有行事更變、乖張貪縱、虐民者、該督撫不時體訪、據實奏、勿以係朝廷特用、大臣保舉、瞻顧徇徇、如故行隱庇、別經發覺、將該督撫一併從重治罪、

一直省地方、有現行事例、不便于民者、各該督撫詳察開列、具題該部確議酌量更正、

一督撫係封疆大吏地方利弊聞見必真凡閔  
僚幕餉節用裨益兵民事宜如有確見著據  
實條奏果屬可行者有成效即從優擢用  
於戲安民則惠益弘逮下之恩御衆以寬率溥  
好生之德布告天下咸使聞知

康熙四十二年三月十八日